


詩所

						漢書門
					一	
					二	
					七	
					號	類
二	四	四	〇	七		
冊	架	函				

五言古詩



庫	文	閣	內			漢書
三					一	
九					二	
函					二	
一					七	
七					冊	類
架						

二十四之六

內閣文庫		
番號	漢	11117
冊數	24	(16)
函號	319	128



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



詩所第二十四卷

五言古詩

答弟叔夜

二首

淺草文庫

魏嵇喜

攀堂臨浚沼靈芝茂清泉仰瞻青禽翔俯察綠水濱逍
遙步蘭渚感物懷古人李叟寄周朝莊生遊漆園時至
忽蟬蛻變化無常端

君子體變通否泰非常理當流則義行時遊則鵲起達
者鑒通塞盛衰為表裏列仙狗生命松喬安足齒縱軀
任世度至人不私已

達人與物化世俗安可論都邑可優游何必棲山原孔
父策良駟不云世路難出處因時資潛躍無常端保心

守道居視變安能遷

答程曉

晉傅玄

羲和運玉衡招搖賦朔旬嘉慶形三朝美德揚初春聖
主加元服萬國望威神伊周敷玄化並世霑天人洪崖
歌山岫許由嗟水濱

答張士然

陸機

潔身躋秘閣秘閣峻且玄終朝理文案薄暮不遑眠駕
言巡明祀致敬在祈年逍遙春王固一作躑躅于畝田
迴渠繞曲陌通波扶直阡嘉穀垂重穎芳樹發華顛余
固水鄉士總轡臨清淵戚戚多遠念行行遂成篇

前題

陸雲

行邁越長川飄飄冒風塵通波激枉渚悲風薄丘榛修
路無窮迹井邑自相循百城各異俗千室非良鄰歡舊
難假合風土豈虛親感念桑梓域髣髴眼中人靡靡日
夜遠眷眷懷苦辛

答楊士安

潘尼

逝將辭儲宮棲遲集南畿不悞百里賤徒惜年志衰躋
蹠顧城闕怨戀慕端闈俊德貽妙詩敷藻發清微媿彼
褒崇過感此岐路悲

答傅咸

郭泰機

王言古詩 卷二十四 二
皦皦白素絲織爲寒女衣寒女雖妙巧不得秉杼機天
寒知運速况復鴈南飛衣工秉刀尺棄我忽若遺人不
取諸身世事焉所希况復已朝餐曷由知我饑

答魏子悌

盧湛

崇臺非一榦珍裘非一腋多士成大業羣賢濟弘績遇
蒙時來會聊齊朝彥跡顧此腹背羽愧彼排虛翮寄身
蔭四嶽託好憑三益傾蓋雖終朝大分邁疇昔在危每
同險處安不異易俱涉晉昌艱共更飛狐厄恩由契闊
生義隨周旋積豈謂鄉曲譽謬充本州役乖離令我感
悲欣使情惕理以精神通匪曰形骸隔妙詩申篤好清

義貫幽蹟恨無隨侯珠以酬荆文璧

答許掾

王羲之

取懽仁智樂寄暢山水陰清泠澗下瀨歷落松竹林

答龐參軍

序曰三復來貺欲罷不能自爾隣曲冬
春再交欸然良對忽成舊遊俗諺云數

而或親舊况情過此者乎人事好乖便當語離
揚公所歎豈惟常悲吾抱疾多年不復爲文本
既不豐復老病繼之輒依周孔
往復之義且爲別後相思之資 陶淵明

相知何必舊傾蓋定前言有客賞我趣每每顧林園談
諧無俗調所說聖人篇或有數斗酒間飲自懽然我寔
幽居士無復東西緣物新人惟舊弱毫多所宣情通萬
里外形迹滯江山君其愛體素來會在何年

酬劉柴桑

窮居寡人用時忘四運周櫛庭多落葉慨然知已秋新
葵鬱北牖嘉穉養南疇今我不為樂知有來歲不命室
攜童弱良日遠登遊

答謝惠連

宋謝靈運

懷人行千里我勞盈十旬別時花灼灼別後葉蓁蓁

答靈運

一云答康樂秋霽詩

謝瞻

夕霽風氣涼閒房有餘清開軒滅華燭月露皓一作已
盈獨夜無物役寢者亦云寧忽復愁霖唱懷勞奏所誠
一作歎彼行旅艱深茲眷言情伊余雖寡慰殷憂暫為

輕牽率酬嘉藻長揖愧吾生

於安城答靈運

五章

條繁林彌蔚波清源逾濟華宗誕吾秀之子紹前胤綢
繆結風微烟煜吐芳訊鴻漸隨事變雲臺與年峻雲一作靈
華萼相光飾嚶鳴一作悅同響親親子敦余一作賢賢
吾爾賞比景後鮮輝方年一日長菱葉愛榮條涸流好

河廣

狗業謝成操復禮愧貧樂幸會果代耕符守江南曲履
運傷荏苒遵塗歎緬邈布懷存所欽我勞一何篤
肇允雖同規翻飛各異槩迢遞封畿外窈窕承明內尋

塗塗既睽卽理理已對緣路有恒悲矧迺在吾愛作亦
跬行安步武鍛翮周數仞豈不識高遠違方往有吝歲
寒霜雪嚴過半路逾峻量已畏友朋勇退不敢進行矣
勵令猷寫誠酬來訊

答客

鮑照

幽居屬有念含意未連詞會客從外來問君何所思澄
神自惆悵嘿慮久迴疑謂賓少安席方爲予陳之我以
華門士負學謝前基愛賞好徧越放縱少矜持專求遂
性樂不計緝名期歡至獨斟酒憂來輒賦詩聲交稍希
歇此意更堅滋浮生急馳電物道險絃絲深憂寡情謬
進伏兩睽時願賜卜身要得免後賢嗤

答王世子

齊謝朓

飛雪天山來飄聚繩櫺外蒼雲暗九重北風吹萬籟有
酒招親朋思與清顏會熊席惟爾安羔裘豈吾帶公子
不垂堂誰肯憐蕭艾

答張齊興

荆山從百里漢廣流無極北馳星斗正南望朝雲色川
隰同幽快冠冕異今昔子肅兩岐功我滯三冬職誰知
京洛念彷彿昆山側向夕登城濠潛池隱復直地迴聞
遙蟬天長望歸翼清文忽景麗思泉紛寶飾勿言修路

五言古詩 卷二十四 五
阻勉子康衢力曾厓寂且寥歸軫逝言陟

酬王晉安

稍稍枝早勁塗塗露晚晞南中榮橘柚寧知鴻鴈飛拂
霧朝青閣日旰坐彤闈悵望一途阻參差百慮依春草
秋更綠公子未西歸誰能久京洛緇塵染素衣

郡內高齋間望答呂僧珍

時僧珍爲齊王法曹

結構何迢遞曠望極高深牕中列遠岫庭際俯喬林日
出衆鳥散山暝孤猿吟已有池上酌復此風中琴非君
美無度孰爲勞寸心惠而能好我問以瑤華音若遺金
門步見就玉山岑

奉答內兄希叔

五章

陸厥

嘉惠承帝子躡履奉王孫屬叨金馬署又點銅龍門出
入平津邸一見孟嘗尊歸來翳桑柘朝夕異涼溫
殂落固云是寂蔑終如斯杜門清三逕坐檻臨曲池鳧
鵠嘯儔侶荷芰始參差雖無田田葉及爾汎漣漪
春華與秋實庶子及家臣王門所以貴自古多俊民離
宮收祀梓華屋富徐陳平日上林苑日入伊水濱
書記旣翩翩賦歌能妙絕相如慙溫麗子雲慙筆札駿
足思長坂柴車畏危轍愧茲山陽讌空此河陽別
平原十日飲中散千里遊渤海方淫滯宜城誰獻酬屏

居南山下臨此歲方秋惜哉時不與日暮無輕舟

答蕭琛

梁武帝

雖云早契闊乃自非同志勿談興運初且道狂奴異

池上酬劉記室

江淹

戚戚憂可結結憂視春暮紫荷漸曲池臯蘭覆徑路葱

蒨巨華堂益葢雜綺樹為此久佇立容易光陰度水館

次文一作羽山葉下暝露懷賞入舊襟悅物覽新賦惜

我無雕文報章慙復素

答何徵君

任昉

散誕羈鞅一作外拘束名教裏得性千乘同山林無一作

亦朝市勿以耕蠶貴空笑易農士宿昔仰高山超然絕

塵軌傾壺已等藥命管亦齊喜一作壺已等藥無為嘆

獨遊若終一作路方回止

酬蕭新浦王洗馬二首

吳均

始可結交者文酒滿金壺圍碁帝臺局繫馬秦王蒲長

劍皆玉具短笛悉銀塗送歸日愁滿留客袂紛吾今成

桓山上秋風星散烏

思君出江湄慷慨臨長薄獨對東風酒誰舉指南酌崇

蘭白帶飛青鳩紫纓絡一年流淚同萬里相思各胡為

舍旃去故人在宛洛

酬周參軍

日暮憂人起倚戶
悵無懽水傳洞庭遠
風送鴈門寒江
南霜雪重相如衣服單
沈雲隱喬一作高樹
細雨滅層巒
且當對樽酒朱絃永夜彈

酬郭臨丞

聞君立名義我亦倦晨征
馬在城上蹀劍自腰中
鳴白日遼川暗黃塵隴坻驚
願君但銜酒深知有素誠

江上酬鮑幾

振棹出江湄依依望九疑
欲謁蒼梧帝過問沅湘姬
折荷縫作蓋落羽紡成絲
吾行別有意不為君道之

石頭答庾郎丹

何遜

高樹蔭樓密細草綠成被
黃鸝隱葉飛蛺蝶縈空戲
陰岑自爾悅寂寥予罕寄
相如阻禁闈何由從簡易

敬酬王明府僧孺

星稀初可見月出未成光
澄江照遠火夕霞隱連檣
賤軀臨不測玉體畏垂堂
念別已零淚況乃思故鄉

答高博士

北窻涼夏首幽居多卉木
飛蜨一作蝶弄晚花清池映疎
竹為宴得快性安閒聊鼓
腹將子厭囂塵就予開耳目

酬陸長史倕

劉孝綽

王粲始一別猶且歎風雲况余屢之遠與子亟離羣如
何持此念復為今日分分悲宛一作如昨弦望殊揮霍
行舟雖不見行程猶可度度君路應遠期寄新詩返相
望且相思勞朝復勞晚薄暮聞人進果得承芳信殷勤
覽妙書留連披雅韻列洲一作財賦總慈山行旅鎮已
切臨睨情遠動思歸引歸歎不可即前途方未極覽諷
欲諼誚研尋還慨息來喻勗雕金比質非所任虛薄無
時用徘徊守故林屏居青門外結宇灞城陰竹庭已南
映池牖復東臨喬柯貫簷上垂條拂戶陰條開風暫入
葉合影還沈帷屏溽早露階雷擾昏禽衡門謝車馬賓

席簡衣簪雖愧陽陵一作曲寧無流水琴蕭條聊屬秋

寂寞少知音平生竟何托懷抱共君深一朝四美廢方
見百憂侵曰余濫官守因之泝廬久一作水接淺原陰
山帶荆門右從容少職事疲病疎僚友命駕獨尋幽淹
留宿廬阜廬阜擅高名峒峒凌太清舒雲類紫府標霞
同赤城北上輪難進東封馬易驚未若茲山險車騎息
逢迎山橫路似絕徑側樹如傾蒙籠乍一啓礫磽無暫
平倚巖忽迴望援蘿遂上征乍觀秦帝石復憇周王城
交峯隱玉霤對澗距金楹風傳鳳臺瑄雲度洛濱笙紫
書時不至丹爐且未成無因追羽翮及爾宴蓬瀛蓬瀛

不可託悵然反城郭時過馬鳴院偶憇鹿園閣既異人
 世勞聊比化城樂影塔圖花樹經臺總香藥月殿曜朱
 旛風輪和寶鐸園援一作垣即重嶺階基仍巨壑朝援一作
 響薨棟夜水聲帷薄餘景驚登臨方宵盡談謔談謔
 有名僧慧義似傳燈遠師教逾聞生公道復弘小乘非
 汲引法善招報能積迷頓已悟為歡得未曾為權誠已
 往坐臥猶懷想况復心所積一作親茲地多諧賞惜哉無
 輕軸更泛輪湖上可思不可見離念空盈蕩賈生傳南
 國平子相東阿優游匡贊罷縱橫辭賦多方才幸同貫
 無令絕詠歌幽谷雖云阻煩君計吏過

答張左西

相思如三月相望非兩宮持此連枝樹暫作背飛鴻若
 人惠思我摘藻蔚雕蟲仙掌方晞露靈鳥正轉風方假
 排虛翮相與北山叢

答張貞成臯

裴子野

匈奴時未滅連年被甲兵明君思將帥方聽鼓鼙聲吾
 生恣逸翮撫劍起徂征非徒慕辛季聊欲逞良平出車
 旣方軌絕幕且橫行豈伊長纓繫行見黃河清雖令懦
 夫勇念別猶有情感子盈編贈握玩以為榮跂予振旅
 凱含毫備勒銘

酬江總

劉之遴

上位居崇禮寺署鄰栖息忌聞曉騶唱每畏晨光絕高
談意未窮晤對賞無極探志共遨遊休沐忘退食曷用
銷鄙吝枉趾覲顏色上下數千載揚摧吐胸臆

古意訓到長史漑

一云登瑯邪城

徐懞

甘泉警烽候上谷抵

一作

樓蘭此江稱豁險茲山復鬱

盤表裏窮形勝襟帶盡巖巒修篁壯下屬危樓峻上干
登陴起遐望回首見長安金溝朝灞滻甬道入鴛鴦鮮
車駑華轂汗馬躍銀鞍少年負壯氣耿介立衝冠懷紀
燕山石思開函谷丸豈如灞上戲羞取路傍觀寄言封

侯者數奇良可歎

答林法師

一作江總

陳周弘正

客行七十歲歲暮遠徂征塞雲結一作不解隴水凍無
聲君看日近遠為村長安城

將命至鄴酬祖正員

周庾信

我皇臨九有聲教洎無隄興文盛禮樂偃武息氓黎承
乏驅騏驥旌旗事琬珪一作旌旆古碑文字盡荒城年
代迷被隴文瓜熟交媵香穗低投瓊實有慰報李更無

蹊

答譙王

隋于仲文

五言古詩 卷二十四 十一
梧臺開廣宴竹苑列英賢景差方入楚樂毅始遊燕折
角揮談柄重席吐言泉武騎初擣翰文學正題鞭玉徽
調綠綺壁散沈青田晚霞澹遠岫落景藻長川未陪東
閣賞獨詠西園篇

答楊世子

孫萬壽

太華五千仞長河九萬里山川每蘊玉人物多君子承
相朝所宗太尉國之紀若人惟傑出濟世承餘祉趨庭
遵教義博物兼文史竒聲振宛洛雅論窮名理伊余苦
病寂寞罕賓遊不言驅駟馬於焉訪一丘縞紵始云
乃相投伏枕空長想驂蹇遂無由忽此承來翰

萃藻殊輝燠雖則濫吹噓可以蠲憂歎懷袖終不滅掌
握方留翫和風初應律山鶯已復新芳菲徒自好節物
不關人勞歌雖有曲無以報陽春

酬陸常侍

王冑

相知四十年別離萬餘里君留五湖曲余去三河渙寒
松君後凋溺灰余僅死何言西北雲復覲東南美深交
不忘故飛觴敦宴喜贈藻發中情竒音邁流徵追惟中
歲日於斯同憇止思之宛如昨倏焉逾二紀疇昔多朋
好一旦埋蒿里無人莫已知有慟傷知己把臂還相泣
巋然吾與子霑襟行自念哀哉亦已矣吾歸在漆園著

書試詞一作經理勞息乃殊致存亾寧與軌大路不能遵
咄哉情可鄙

答賀屬

外黃初邸客蜀郡晚琴聲本欲從張耳何曾說馬卿定
知遊道日非是第如行高文擬雜珮善謔間瑤瓊前書
言家室未敘挂簪纓問仁寧一作寧國揚波豈亂清聞有陽
臺客一作曲常留入夢情無為一作曲嗟獨割空引助庵名

答江學士協

周若水

弱齡愛丘壑與子亟忘歸一作對泉石既芳菲忽
聞朝市變斯樂眇難追一作氣酒亦以客一作處鏡泉歌祁寒

傷暮節落景促餘暉野曠蓬常轉林遙鳥倦飛故友輕
金玉萬里嗣音徽鄉關不可望客淚徒霑衣

答樂記室憶江水

庾抱

遙想觀濤處猶意採蓮歌無因關塞葉共下洞庭波

滋然躡書表漸意料並無因關寒葉共下師致文

答樂信室勳五木

東遊

金王萬里關音漸驟關不可望客氣卦雷示

對暮讀卷景詩繪聊裡翻藝常轉林送鳥對新文

詩所第二十五卷

五言古詩

讌譙作

魏文帝

清夜延貴客明燭發高光豐膳漫星陳旨酒盈玉觴絃

歌奏新曲游響拂丹梁餘一作繁音赴迅節慷慨時激揚

獻酬紛交錯雅舞何鏘鏘羅纓從風飛長劔自低昂穆

穆衆君子一作有北坐高閣下延賓作名倡和合同樂康一有北坐高閣下延賓作名倡

孟津讌

良辰啓初節高會構一作極歡娛通天拂景雲俯臨四達

衢羽爵浮象樽珍膳盈豆區清歌發妙曲樂正奏笙竽

曜靈忽西邁炎燭繼望舒翊日浮黃河長驅旋鄴都

公讌詩

陳思王植

公子敬愛客終宴不知疲清夜遊西園飛蓋相追隨
明月澄清影列宿正參差秋蘭被長坂朱華冒綠池
潛魚躍清波好鳥鳴高枝神飆接丹轂輕輦隨風移
飄飄放志意千秋長若斯

前題

王粲

昊天降豐澤百卉挺葳蕤涼風撤蒸暑清雲却炎暉
高會君子堂並坐蔭華榭嘉肴克圓方旨酒盈金罍
管絃發徽音曲度清且悲合坐同所樂但翹梧行遲
常聞詩人語不醉且無歸今日不極歡含情欲待誰
見眷良不

翹守分豈能違古人有遺言君子福所綏願我賢主人
與天享巍巍克符周公業奕世不可追

前題

劉楨

永日行遊戲歡樂猶未央遼思在玄夜相與復翱翔
輦車飛素蓋從者盈路傍月出照園中珍木鬱蒼蒼
清川過石渠流波爲熨防芙蓉散其華菌蔀溢金塘
靈鳥宿水裔仁獸遊飛梁華館寄流波豁達來風涼
生平未始聞歌之安能詳投翰長歎息綺麗不可忘

前題

應瑒

巍巍主人德佳會被四方開館延羣士置酒于斯堂
辨

論釋鬱結援筆興文章穆穆衆君子好合同歡康促坐
褰重帷傳滿騰羽觴

前題

阮瑀

陽春和氣動賢主以崇仁布惠綏人物降愛常所親上
堂相娛樂中外奉時珍五味風雨集杯酌若浮雲

侍太子宴

陳思王植

白日曜青春時雨靜飛塵寒冰辟炎景

一作氣

涼風飄我

身清醴盈金觴餽饌縱橫陳齊人進奇

一作嘉

樂歌者出

西秦翩翩我公子機巧忽若神

宴會

陳琳

凱風飄陰雲白日揚素暉良友招我遊高會宴中門玄
鶴浮清泉綺樹煥青蕤

侍五官中郎將建章臺宴集

應瑒

朝鴈鳴雲中音響一何哀問子遊何鄉戢翼正徘徊言
我塞門來將就衡陽棲往春翔北土今冬客南淮遠行
蒙霜雪毛羽日摧頽常恐傷肌骨身隕沈黃泥簡珠墮
沙石何能中自諧欲因雲雨會濯翼陵高梯良遇不可
值伸眉路何階公子敬愛客樂飲不知疲和顏既已暢
乃肯顧細微贈詩見存慰小子非所宜且爲極懽情不
醉其無歸凡百敬爾位以副饑渴懷

酒會詩

嵇康

樂哉苑中遊周覽無窮已百卉吐芳華崇基邈高時林
木紛交錯玄池戲魴鯉輕丸斃翔禽織綸出鱸鮓坐中
發美讚異氣同音軌臨川獻清酤微歌發皓齒素琴揮
雅操清聲隨風起斯會豈不樂恨無東野子酒中念幽
人守故彌終始但當體七絃寄心在知己

宴詩

晉傅玄

鸞鳥晞鳳皇望舒繼白日千秋邁嘉會來升君子室華
樽享清酤珍肴自盈溢

金谷集詩

石崇序曰余以元康六年從太僕卿出
為使持節監青徐諸軍事征虜將軍有

別廬在河南縣界金谷澗中或高或下有清泉
茂林衆果竹柏藥草之屬莫不畢備又有水碓
魚池土窟其為娛目歡心之物備矣時征西大
將軍祭酒王詡當還長安余與眾賢共送往澗
中晝夜遊宴屢遷其坐或登高臨下或列坐水
濱時琴瑟笙筑合載車中道路並作及住令與
鼓吹遞奏遂各賦詩以敘中懷或不能者罰酒
三斗感性命之不永懼凋落之無期故具列時
人官號姓名年紀又寫詩箸後

潘岳

王生和鼎實石子鎮海沂親友各言邁中心悵有違何
以敘離思携手游郊畿朝發晉京陽夕次金谷湄迴谿
縈曲阻峻阪路威夷綠池泛淡淡青柳何依依濫泉龍
鱗瀾一作激波連珠揮前庭樹沙棠後園植烏桺靈囿
繁石一作榴茂林列芳梨飲至臨華沼遷坐登隆坻玄

醴染朱顏但慙杯行遲揚桴撫靈鼓簫管清且悲春榮

誰不慕一作歲寒良獨希投分寄石友白首同所歸

皇太子集

應令

潘尼

皇朝命方岳爪牙司北隣皇儲延篤愛設餞送遠賓誰

應今日宴具惟廊廟臣置酒宣猷庭擊鼓靈沼濱羽觴

飛醽醑芳饌備奇珍巴渝二八奏妙舞鼓鐸振長祛一作

生迴飈曲裾揚輕塵一沼濱下有霑恩浴明兩遭德

蘭亭集詩

王羲之序曰永和九年歲在癸丑暮春之初會于會稽山陰之蘭亭修禊事也

羣賢畢至少長咸集此地有崇山峻嶺茂林修竹又有清流激湍映帶左右引以為流觴曲水列坐其次雖無絲竹管弦之盛一觴一詠亦足以暢敘幽情是日也天朗氣清惠風和暢仰觀

宇宙之大俯察品類之盛所以遊目騁懷足以極視聽之娛信可樂也夫人之相與俯仰一世或取諸懷抱悟言一室之內或因託所寄放浪形骸之外雖趣舍萬殊靜躁不同當其欣於所遇暫得于已快然自足不知老之將至及其所之既倦情隨事遷感慨係之矣向之所欣俛仰之間以為陳迹猶不能不以之興懷况脩短隨化終期於盡古人云死生亦大矣豈不痛哉每攬昔人興感之由若合一契未嘗不臨文嗟悼不能喻之於懷固知一死生為虛誕齊彭殤為妄作後之視今亦猶今之視昔悲夫故列敘時人錄其所述雖世殊事異所以興懷其致一也後之攬者亦將有感於斯文

右將軍王羲之

仰視碧天際俯瞰淥水濱寥閬無涯觀寓日理自陳大矣造化工萬殊莫不均羣籟雖參差適我無非親

五言古詩 卷二十一 五
五
瑯琊王友謝安

相與欣佳節率爾同褰裳薄雲羅景物微風翼輕航醇
醪陶丹府兀若遊羲唐萬殊混一理安復覺彭殤

司徒右西屬謝萬

司冥卷陰旗句芒舒陽旌靈液被九區光風扇鮮榮碧
林輝翠萼紅葩擢新莖翔禽撫翰游騰鱗躍清泠

前餘姚令孫統

地主觀山水仰尋幽人踪回沼激中達疎竹間脩桐因
流轉輕觴冷風颺落松時禽吟長澗萬籟吹連峯

左司馬孫綽

流風拂枉渚停雲蔭九臯鶯語吟修竹游鱗戲瀾濤携
筆落雲藻微言剖纖毫時珍豈不甘忘味在聞韶

中軍參軍孫嗣

望巖懷逸許臨流想奇莊誰云真風絕千載挹餘一作遺
芳

散騎常侍郝曇

溫風起東谷和氣振柔條端坐興遠想薄言遊近郊

穎川庾蘊

仰想虛舟說俯歎世上賓朝榮雖云樂夕斃理自因
行參軍曹茂之

五言古詩 卷二十一 六
時來誰不懷寄散山林間尚想方外賓迢迢有餘閒

榮陽桓偉

主人雖無懷應物貴有尚宣尼遨沂津蕭然心神王數
子各言志曾生發清唱今我欣斯遊愜情亦暫暢

陳郡袁嶠之

四眺華林茂俯仰晴一作清川渙激水流芳醪豁爾累心
散遐想逸民軌遺音良可玩古人詠舞雩今也同斯歎

王玄之

松竹挺巖崖幽澗激清流消散羣情志酣暢豁滯憂

王凝之

烟燼柔風扇熙怡和氣淳駕言興時遊逍遙暎通津

王徽之

先師有冥藏安用羈世羅未若保冲真齊契箕山阿

王渙之

去來悠悠子披褐良足欽超跡脩獨往真契齊古今

王肅之

嘉會欣時游豁爾暢心神吟咏曲水瀨淥波轉素鱗

王彬之

鮮葩暎林薄游鱗戲清渠臨川欣投釣得意豈在魚

王蘊之

散豁情志暢塵纓忽已捐仰詠挹餘一作遺芳怡情味重淵

郡功曹魏滂

三春陶和氣萬物齊一歡明后欣時豐駕言映清瀾疊
疊德音暢蕭蕭遺世難望巖愧脫屣臨川謝揭竿

鎮軍司馬虞說

神散宇宙內形浪濠梁津寄暢須臾歡尚想味古人

郡五官謝繹

縱暢任所適回波縈游鱗千載同一朝沐浴陶清塵

行叅軍徐豐之

清響擬絲竹班荆對綺疏零觴飛曲津歡然朱顏舒

徐州西平曹華

願與達人游解結遨濠梁狂吟任所適流浪無何鄉

宴集聯句

陶淵明

鳴鴈乘風飛去去當何極念彼窮居士如何不歎息淵明
雖欲騰九萬扶搖竟何力遠招王子喬雲駕庶可飭情之
顧侶正徘徊離離翔天側霜露豈不切務從忘愛翼循之
高柯濯條幹遠眺同天色思絕慶未看徒使生迷惑淵明

彭城戲馬臺集

宋江夏王義恭

騁驚辭南京弭節憇東楚懿蕃重遐望興言集僚侶于

五言古詩 卷二十五
後未云淹時遷變溽暑眷戀江水流迴首獨延佇

侍宴蒜山

謝莊

龍旌拂紆景鳳蓋起流雲轉蕙方因委層華正氛氲煙
竟山郊遠霧罷江天分調石飛延露裁金起承雲

侍宴詩

沈慶之

微生遇多幸得逢時運昌朽老筋力盡徒步還南岡辭
榮此聖世何媿張子房

侍宴覆舟山

二首勅爲柳元景作

鮑照

息雨清上郊開雲照中縣遊軒越丹居暉燭集涼殿凌
高躋飛楹追焱起流宴松苑含靈羣巖庭藏物變明輝

繁霜飛玉闥愛景麗皇州清蹕戒一作馳路羽蓋佇宣

游神居既崇盛巖嶮信環周禮俗陶德聲昌會溢民謳

式

馳路羽蓋佇宣

暫無勝化質謬從雲雨浮

在荊州與張使君李居士集聯句

橋磴支吾轍篁路拂輕鞍三尹無喜色一適或垂竿

月下登樓宴聯句

髣髴蘿月光繽紛篁霧陰樂來亂憂念酒至歇憂心

鮑博

士露入覺牖高螢蜚測苑深清氣澄永夜流吹不可臨

王延秀

密峯集浮碧疎瀾道瀛尋嗽玉延幽性攀桂藉知

音荀原辰意事淪晦良歡戒勿稜昭景有遺駟疏賈無
留金荀中書萬秋

移席琴室應司徒教

齊王融

雪崖似留月蘿徑若披雲潺湲石溜寫綿蠻山雨聞

同羈夜集

謝朓

積念隔炎涼驤言始今夕已對濁尊酒復此故鄉客霜
月始流砌寒蛩早吟隙幸藉京華遊邊城讌良席樵采
咸共同荆莎聊可藉恐君城闕人安能久松柏

侍筵西堂落日望鄉聯句

沈病已綿緒負官別鄉憂高城淒夕吹時見國煙浮曹丞

漠漠輕雲晚颯颯高樹秋鄉山不可望蘭卮且獻酬府君

曼高識氣迥泉渟知潦收幸遇慶筵渥方且沐恩猷紀功

芸黃先露早騷瑟一作驚暮秋舊城望已肅况乃客

悠悠何從事

間集聯句

雨洗花葉鮮泉漫芳塘溢藉此間賦詩聊用蕩羈疾陳郎

霖霖微雨散歲蕤蕙草密預藉芳筵賞沾生信昭悉紀功

紫葵窗外舒青荷池上出既闔頰川扉且臥淮南秩

流風蕩晚陰行雲掩朝日念此蘭蕙客徒有芳菲質

何從事

宴紀功曹中園聯句

蘭亭仰遠風芳林接雲嶼傾葉順清飈脩莖佇高鶴何

事連綿夕雲歸晻曖日將落寸陰不可留蘭墀豈停酌

吳郎丹纓猶照樹綠筠方解籜未志能兩忘即賞謝丘壑

府君

春日宴晉熙王

梁昭明太子統

百六鍾期數三七厄時中國難悲如燬親離歎數窮藩

哲遊沮夢揚化撫邊戎幸茲同宴醕引滿愛樽空

侍始安王宴石頭

江淹

緒官承盛世逢恩侍英王結句來深景撫袖逐曾光暮

情鬱無已流望在川陽平原忽超遠參差見南湘何如

塞北陰雲鴻盡來翔擊鏡照愁色徒坐引憂方山中如

未夕無使桂葉傷

侍宴景陽樓

一作鮑照

王僧孺

金鋪爍可鏡桂棟儼臨雲沾觴均飲德服道驗朝聞詎

論禹無間非耻堯為君小臣亦何者短翮屢追羣

前題

一云應令

庾肩吾

沐道逢將聖飛觴屬上賢仁風開美景瑞氣動非烟秋

樹翻黃葉寒池墮黑蓮承恩謝命淺念報在身前

侍宴

二首

王僧孺

麗景屬春餘清陰澄夏首交枝隱脩逕迴流影遙阜徒
帷輾輕筠移鑿拂高柳去矣勞茂績勉哉報嘉誘小臣
良不才涓塵愧所守何用勝雕斲譬木良如朽
迴輿避暑宮下輦迎風館散漫輕烟轉霏微商雲散蔓
草亘巖垂高枝起天半回風稍驚水落光漸斜岸妙儂
駐行雲清歌入層漢粹顏暢有懌德音良已粲

侍宴宣猷堂 應令

庾肩吾

副君德將聖陳王才揆天歸來宴平樂置酒對林泉鑪
香雜山氣殿影入池漣艷舞時移節新歌屢上絃聽曲
慙迴顧思經徒欲眠

侍宣猷堂宴湘東王 應令

陳王驟駕反副后西園遊並命登飛閣列坐對芳洲桂
巖逢暮序菊水值窮秋竹逕簫聲發桐門琴曲愁 一作幽
徒奉文成誦空知思若抽

侍宴 應令

副君時暇豫曾城聊近遊清池寫飛閣疎樹出龍樓北
陸水方壯西園春欲周梅心芳屢動蒲節促難抽徒然
欣並命無以廁應劉

光華殿侍宴賦競病韻

曹景宗

去時兒女悲歸來笳鼓競借問行人何如霍去病

侍宴 二首一作任昉

劉孝綽

清宴延多士鴻漸濫微薄臨炎出蕙樓望辰躋茵閣上
征切雲漢俛眺周京洛城寺鬱參差街衢紛漠漠禁林
寒氣晚方秋未搖落皇心重發志賦詩追並作自昔承
天寵於茲被人爵選言非綺綃何以儷金鑊
茲堂乃峭嶠伏檻臨曲池樹中望流水竹裏見攢枝欄
高景難蔽岫隱雲易垂邂逅逢休幸朱躡曳青規丘山
不可答葵藿空自知

侍宴集賢堂 應令

北閣時既啓西園又已闢宮屬引鴻鷺朝行命金碧伊

臣獨何取隆恩徒自昔布武登玉墀委坐陪瑤席綢繆
參宴笑淹留奉觴醪壺人告漏晚煙霞起將夕反景入
池林餘光映泉石

侍宴離亭 應令

轅轅東北望江漢西南永羽旗映日移鏡吹臨風警令
王愍追送纒舟宴俄頃掩袂眺征雲銜杯惜餘景首燕
徒有心局步何由騁

侍宴 應令一云擬劉公幹

副君西園宴陳王謁帝歸列位華池側文雅縱橫飛小
臣輕蟬翼黽勉謬相追置酒陪朝日淹留望夕霏

陪徐僕射晚宴
夫君追宴喜十日遞來過築室華池上開軒臨菱荷方
塘交密篠對雷接繁柯景移林改色風去水餘波洛城
雖半掩愛客待驪歌

陸東海譙山集

江淹

杳杳長役思思來使情濃恒忌光氛度藉蕙望春紅青
莎被海月朱華冒水松輕風暖長嶽雄虹赫遠峯日暮
崦嵫谷參差綵雲重永願白沙渚遊衍遂相從丹山有
琴瑟不為憂傷容

無錫縣歷山集

愁生白露日思起秋風年竊悲杜蘅暮擘涕弔空山落
葉下楚水別鶴噪吳田嵐氣陰不極日色半虧天酒至
情蕭瑟憑樽還惘然一聞清琴奏歔泣方留連况乃客
子念直置絲竹間

外兵舅夜集

丹林一葉舊碧草從此空煙光拂夜色萃舟盪秋風歛
意悵何已極望情思中瑤瀾寤以晏若采能幾終暮心
亦誰寄江臯桂有叢

劉僕射東山集

蕭蕭雲色滋惟愛一作憂起長思喬木嘯山曲征鳥怨水

湄共惜玉樽暮願是一作使光陰遲紳裳視絕雲銜意方
此時誦飭江臯駕終從海濱詩

登鍾山燕集望西靜壇

吳均

客思何以緩春郊滿初律高車陸離至駿騎差池出寶
椀沉蓮花珍杯食竹實才勝商山四文高竹林七復望
子喬壇金繩蘊綠帙風雲生屋宇芝映被仙室方隨鳳
凰去悠然駕白日

王侍中夜集

抽蘭開石路剪竹製山屏文淪見綠水參差隱翠微西
山採藥至東都謝病歸紡毛織野服縫芰作山衣欲知

三青鳥簷上素雲飛

集范廣州宅聯句

何遜

濛濛夕煙起奄奄殘暉滅非君愛滿堂寧我安車轍

燕集聯句

弊履常決踵眉高起半額曼倩爾何為獨歎長安索
工商既慙巧農士聊相易蠓腹有餘資鴻眉方可拍
攝職媿握蘭濫官悲執戟連章既不敏高談豈能劇
逸翮任奮飛窘步事羈勒還鳥余能繫流言爾無惑
憂懷乃千載永懽常數刻直是悲別離非關念通塞
日照汀沙素山影波浪黑爾限大江南余歸茂陵北

晚宴文思殿

陳後主

晚日落餘暉宵園翠蓋飛荷影侵池浪雲色入山扉螢
光息復起暗鳥去翻歸樂極未言醉杯深猶恨稀

宴唐事陸繕省

禁闥九重中宴賞三春日雲收上樹隱葉長宮槐密水
綠已浮苔花舒正含實

侍宴

入隋應詔

日月光天德山河壯帝居太平無以報願上東封一作萬年

書

侍宴

徐陵

園林才有熱夏淺更勝春嫩竹猶含粉初荷未聚塵承
恩豫下席應阮獨何人

御幸樂遊苑侍宴

張正見

大君臨四表榮光普八埏區中文化洽海外武功宣鳳
下書丹篆龜符著綠編昆明不習戰雲夢豈遊畋軌文
通萬國旌節靖三邊高秋藐姑射睿想屬汾川兩宮明
合璧雙闕帶非煙揚鑾出城觀詔蹕指郊壘禁苑迴雕
輦離宮建翠旃流水犇雷轂追風赴電鞭畫熊飄析羽
金埒響膠弦鳴玉升文砌稱觴溢綺筵獸舞依鍾石鸞
歌應管弦霞明黃鵠路風爽白雲天潦收荷蓋折露重

五言古詩 卷二十一
菊花鮮上林賓早鴈長楊唱晚蟬小臣慚藝業擊壤慕
懷鉛康衢飛駛羽大海滴微涓詠歌還集木舞蹈遂臨
淵願薦南山壽明明奉萬年

秋日侍宴婁苑湖

應詔

江總

翠渚還鑿輅瑤池命羽觴千門響雲蹕四澤動榮光玉
軸昆池浪金舟太液張虹旗照島嶼鳳蓋繞林塘野靜
重陰闊淮秋水氣涼霧開樓闕近日迴烟波長洛宴諒
斯在鎬飲詎能方朽劣叨榮遇簪笏奉周行

宴樂修堂

應令

肅城通甲觀承華啓書堂北宮降恩賞西園度羽觴殊

私奉玉裕終宴在金房庭暉連樹彩簷影接雲光仙如
伊水駕樂似洞庭張彈絲命琴瑟吹竹動笙簧蕭疎濫
應阮衰朽慙連章

侍宴玄武觀

詰曉三春暮新雨百花朝星宮移渡罕天駟動行鑣旆
轉蒼龍闕塵飛飲馬橋翠觀迎斜照丹樓望落潮鳥聲
雲裏出樹影浪中搖歌吟奉天詠未必待聞韶

侍宴臨芳殿

一作柳晉

鍾箭自

一作

徘徊皇堂薦羽杯橋平疑水落石迴見山

開林前暝色靜花處近香來西崕傷撫多北閣濫游陪

侍宴瑤泉殿

水亭通粉詣石路接堂皇
野花不識采旅竹本無行
雀驚疑欲曙蟬噪似含涼
何言金殿側亟奉瑤池觴

賜宴聯句用酒韻

北魏節閔帝

既逢堯舜君願上萬年壽

薛孝通

平生好玄默慚為萬國

首帝

又用忠韻

聖主臨萬機享世永無窮

元翹

豈唯被豐草方亦及昆蟲

孝通

朝賢既濟濟野苗又芄芄

元翹

君臣體魚水書軌一華

帝

戎微臣信慶渥何以答華嵩

孝通

晚春宴

一作齊韋道遜

北齊邢邵

日斜賓館晚風輕麥候初
簷喧巢幕燕池躍戲蓮魚
石聲隨流響桐影俯巖踈
誰能千里外獨寄八行書

後園宴

魏收

東馬輕燕外獵雉陋秦中
朝車轉夜轂仁旗指旦風
式宴臨平圃展衛寫屠穹
積巖疑造化導水逼神功
樹靜歸煙合簾踈反照通
一逢堯舜日未假北山叢

公館讌

酬南使徐陵

裴讓之

嵩山表京邑鍾嶺對江津
方域殊風壤分野各星辰
出境君圖事尋盟我恤鄰
有才稱竹箭無用忝絲綸
列樂

歌鍾響張旃玉帛陳皇華徒受命延譽本無因韓宣將
聘楚申胥欲去秦方期一作當飲河朔翻屬臥漳濱禮酒
盈三獻賓筵盛八珍歲稔鳴銅雀兵戢坐金人雲來朝
起蓋日落晚摧輪異國猶兄弟相知無舊新

鄴館公讌

裴訥之

晉楚敦盟好僑札同心賞禮成樽俎陳樂和金石響朝
雲駕馬進曉日乘龍上雙闕表皇居三臺映仙掌當階
篋篠密約岸荷蕖長束帶盡欣娛誰言鴛歸兩

羣公高宴

楊訓

中郎敷奏罷司隸坐朝歸開筵引貴客饌玉對春暉塵
起金吾騎香逐令君衣綠酒犀爲枕鳴琴寶作徽寸陰
良可惜千金本易揮

宴詩

周高琳

寄言寶車騎爲謝霍將軍何以報天子沙漠靜妖氛

對宴齊使

庾信

歸軒下賓館送蓋出河堤酒正離杯促歌工別曲悽林
寒木皮厚沙迴鴈飛低故人儻相訪知余已執珪

聘齊秋晚館中宴

欣茲河朔飲對此洛陽才殘秋欲屏扇餘菊尚浮杯漳
流鳴二水日色下三臺無因侍清夜同此月徘徊

集周公處聯句

市朝一朝變蘭艾本同焚故人相借問平生如所聞

雲中受突厥主朝宴席賦

隋煬帝

鹿塞鴻旗駐龍庭翠輦回羶帷一作帳望風舉穹廬向日

開呼韓頓顙至屠耆接踵來索辮擎羶肉韋韝獻酒杯

何如漢天子空上單于臺

宴東堂

雨罷春光潤日落暝霞暉海榴舒欲盡山櫻開未飛清

音出歌扇浮香飄一作颺舞衣翠帳全臨戶金屏半隱扉

風花意無極芳樹曉禽歸

奉和

劉端

睿賞叶春芳開筵臨畫堂庭梅飄早素簷柳變初黃八

珍羅玉俎九醞湛金觴箏響流飛閣歌塵落妓行何必

西園夜空承明月光

侍宴東宮

于仲文

銅樓克震位銀榜集嘉賓青宮列緝憶紫陌結朱輪弦

調寶瑟曲歌動畫梁塵金卮傾斗酒瓊筵列八珍花驚

度翠羽萍散躍頰鱗承恩叨竝作扣一作和寂繞陽春

巢王座韻得餘字

薛昉

平臺愛賓客縫掖齒簪裾藉卉懷春暮開襟近夏初嫩

枝猶露鳥細藻欲藏魚舞袖臨飛閣歌聲出綺疏莫慮
歸衢晚馳輪待興餘

侍皇太子宴

沈君道

副君監撫暇禁苑暫停車水落金沙淺雲高玉葉踈隨
厨白羽駕逐釣紫鱗魚飽德良無已榮陪終宴餘

西園

唐詩所第二十六卷 古詩

前集

風體

鳴琴

四章序曰冬十有二月家君宰邑許下夫子
問津穎上二賢將馳會府皆適茲土夜處狹
室列座有位尊甲嚴如或捧觴上壽或摳衣請
益始崇詩以閱禮終講信以脩睦然後文飽於
德義潤其身頃夫子升堂之後若虛賈劉尹之
徒半紀間接武鳴躍實夫子訓之導之所致也
今殿郭二子天資才幹而加之鏃羽上觀王庭
俯拾地芥其誰曰不然飛霜藹林寒氣總至月
落匝戶夜將向晨座隅謙謙畢醉溫克則知孔
門宴集異於他日二三子終身識之夫子以家
君政成百里無事命門弟子賦詩鳴琴亦以釋
此離之怨焉小子不敏忝居門人之末敢不敬
書其事

息夫牧

有琴斯鳴于宰之庭君子蒞止其心孔平政既告成德

以永貞其鳴琴有術于頴之畔彼之才髦其年未冠聞
詩聞禮斐子璨璨其鳴琴其怡于頴之湄二子翰飛言
戾京師有鬱者桂載攀其枝其琴既鳴矣宵既清矣烘
熯有燁酒醴惟旨喟我寢歎吁其別矣 其四

涼雨 序曰涼雨志楊侯樂賓僚也 蕭穎士

習習涼風泠泠浮颺君子樂胥于其賓僚有女斯天式
歌且謠欲言終宥惟以招邀于胥樂兮

江有楓 十章序曰江有楓思陸鄭二友吳會舊遊
且疾讒也臣宦于尹府以直方不偶見逼
讒佞惟古之賢者有避色避言之義矯然去之
二室之間有楓樹焉與江南楓形胥類憩于其
下而作是詩以貽夫二三子焉

及時鐘鼎何所銘收念還房寢慷慨詠墳經庶幾及君
在立德垂功名

遊覽 晉棗據

矯足登雲閣相伴步九華徙倚憑高山仰攀桂樹柯延
首觀神州迴晴盼曲阿芳林挺脩幹一歲再三花何以
濟不朽噓吸漱朝霞重巖吐神溜傾觴挹涌波恢恢大
道間人事足為多

石鼓山 庾闡

命駕觀竒逸徑鶩造靈山朝濟清溪岸夕憇五龍泉鳴
石含潛響雷駭震九天妙化非不有莫知神自然翔霄

拂翠嶺綠澗漱巖間手澡春泉潔目翫陽葩鮮

衡山

北眺衡山首南睨

一作瞻

五嶺未寂坐挹虛恬運目情四

豁翔虬凌霄陸鱗困濡沫未

一作既

體江湖悠安識南

溟闊

登楚山

拂駕升西嶺寓目臨浚波想望七德耀詠此九功歌龍
駟釋陽林朝服集三河回首盼宇宙一無濟邦家

登半石山

宗炳

清氣志洞蕭洒嶰谷崩地幽窮石凌天委長

松列竦蕭萬樹巉巖詭上施神農蘿下凝堯時髓

登白鳥山

我徂白鳥山因名感昔擬仰升數百仞俯覽眇千里杲
杲羣木分岌岌衆巒起

登山

謝道韞

峩峩東嶽高秀極冲青天巖中間虛宇寂寞幽以玄非
工復非匠雲構發自然氣象爾何物遂令我屢遷逝將
宅斯宇可以盡天年

遊斜川

序曰辛丑歲正月五日天氣澄和風物間
美與二三隣曲同遊斜川臨長流望曾城

魴鱧躍鱗於將夕水鷗乘和以翻飛彼南阜者
名實舊矣不復乃為嗟嘆若夫曾城傍無依接

獨秀中臯遙望靈山有愛嘉名欣對不足率爾賦詩悲日月之遂往悼吾年之不留各疏年紀鄉里以記其時日

陶淵明

開歲修五日吾生行歸休念之動中懷及辰為茲遊氣
和天惟澄班坐依遠流弱湍馳文魴閒谷矯鳴鷗迴澤
散游目緬然睇曾丘雖微九重秀顧瞻無匹儔提壺接
賓侶引滿更獻酬未知從今去當復如此不中觴縱遙
情忘彼千載憂且極今朝樂明日非所求

遊西池

謝混

悟彼蟋蟀唱信此勞者歌有來豈不疾良遊常蹉跎逍
遙越城肆願言屢經過迴阡被陵闕高臺眺飛霞惠風

蕩繁囿白雲屯曾阿景晷鳴禽集水木湛清華寒雲順
蘭沚徙倚引芳柯美人愆歲月遲暮獨如何無為牽所
思南榮戒其多

西陵觀濤

蘇彥

洪濤奔逸勢駭浪駕丘山旬隱振宇宙瀟澔津雲連

南州相公九井山作

殷仲文

四運雖鱗次理化各有準獨有清秋日能使高興盡景
氣多明遠風物自凄緊爽籟驚幽律哀壑叩虛牝歲寒
無早秀浮榮甘夙隕何以標貞脆薄言寄松菌哲匠感
蕭晨肅此塵外軫廣筵散泛愛逸爵紆勝引伊余樂好

仁惑祛吝亦泯猥首阿衡朝將貽匈奴晒

登成都白菟樓

張載

重城結曲阿飛宇起層樓累棟出雲表嶢櫨臨太虛高
軒啓朱扉迴望暢八隅西瞻岷山嶺嵯峨似荆巫蹲鴟
蔽地生原隰殖嘉蔬雖遇堯湯世民食恒有餘鬱鬱少
城中岌岌百族居街術紛綺錯高臺夾長衢借問揚子
宅想見長卿廬程卓累千金驕侈擬五侯門有連騎客
翠帶腰吳鉤鼎食隨時進百和妙且殊披林採秋橘臨
江釣春魚黑子過龍醢果饌踰蟹蟾芳茶冠六清溢味
播九區人生苟安樂茲土聊可娛

登景陽樓

宋文帝

崇堂臨萬雉層樓跨九成瑤軒籠翠幌組幙翳雲屏階
上曉露潔林下夕風清蔓藻嫵綠葉芳蘭媚紫莖極望
周天險留察泱神京交渠紛綺錯列植發華英一有土
女炫街
聖軒冕耀都城萬軫揚金鑣千軸樹蘭旌四句

奉和

江夏王義恭

丹墀設金屏瑤榭陳玉牀溫宮冬開燠清殿夏含霜弱
檠布遐馥輕葉振遠芳彌望少無際肆睇周華疆象闕
對馳道飛廉矚方塘邱寺送暉曜槐柳自成行通川溢
輕艫長街盈方箱顧此燭火微胡顏廁天光

奉和

顏延之

風觀要春景月榭迎秋光
泐波被華若隨山茂貞芳

遊覆舟山

孝武帝

束髮好怡衍弱冠頗流薄
素想終勿傾聿來果丘壑
層峯亘天維曠渚綿地絡
逢臯列神苑遭壇樹仙閣
松墖含青暉荷源煜彤爍
川界泳遊鱗巖庭響鳴鶴

登作樂山

脩路軫孤轡竦石頓飛轅
遂登千尋首表裏望丘原
屯煙擾風穴積水溺雲根
漢潦吐新波楚山帶舊苑
壤草凌故國拱木秀頽垣
目極情無留客思空已繁

登魯山

解帆憩通渚息徒憑椒丘
粵值風景和升高從遠眸
紀鄴窮西路湘夢極南流
杳哉漢陰水浩焉江界脩

溫泉

江夏王義恭

秦都壯溫谷漢京麗湯泉
炎德潛遠液暄波起茲源

遊鼉湖

臨川王義慶

曠景轉諧淑草木日滋長
梅花覆樹白桃杏發榮光

車駕幸京口侍遊蒜山作

顏延之

元天高北列日觀臨東溟
入河起陽峽踐華因削成
巖險去漢宇襟衛徙吳京
流池自化造山關固神營
園縣

極方望邑社總地靈宅道炳星緯誕曜應辰明睿思纏
 故里巡駕市舊坳陟峯騰輦路尋雲抗瑤薨春江壯風
 濤蘭野茂萸英宣遊弘下濟窮遠凝聖情歡濱有和會
 祥習在十征周南悲昔老留滯感遺珉空食疲廊肆反
 稅事巖耕

從遊京口北固

應詔

謝靈運

玉璽戒誠信黃屋示崇高事為名教用道以神理超昔
 聞汾水遊今見塵外鑣鳴笳發春渚稅鑿登山椒張組
 眺倒景列筵矚歸潮遠巖映蘭薄白日麗江臯原隰萸
 綠柳墟囿散紅桃皇心美陽澤萬象咸光昭顧已枉維

繫標志慙場亩工拙各所宜終以反林巢曾是榮有想
 覽物奏長謠

登永嘉綠嶂山

裹糧杖輕策懷遲上幽室行源逕轉遠距陸情未畢澹
 漱結寒姿團欒潤霜質澗委水屢迷林迴巖逾密眷西
 謂初月顧東疑落日踐一作殘夕奄昏曙蔽翳皆周悉蠱
 上貴不事履二美貞吉幽人常坦步高尚邈難匹願阿
 竟何端寂寂寄抱一恬如既已交繕性自此出

登石門最高頂

晨策尋絕壁夕息在山棲疏峯抗高館對嶺臨迴溪長

林羅戶穴一作庭積石擁階基連巖覺路塞密竹使徑迷
來人忘新術去子惑故蹊活活夕流駛噉噉夜猿啼沈
冥豈別理守道自不攜心契九秋榦日翫三春萋居常
以待終處順故安排惜無同懷客共登青雲梯

登上戍石鼓山

旅人心長久憂憂自相接故鄉路遙遠川陸不可涉汨
汨莫與娛發春托登躡歡願既無並戚慮庶有協一作法
極目睽左濶迴顧眺右狹日未濶增波雲生嶺逾疊白
芷競新苔綠蘋齊初葉摘芳芳靡諼愉樂樂不燮佳期
緬無像騁望誰云慙

石室山

清旦索幽異放舟越坳郊萁萁蘭渚急藐藐苔嶺高石
室冠林陬飛泉發山椒虛泛徑千載崢嶸非一朝鄉村
絕聞見樵蘇限風霄微戎無遠覽總筭羨升喬靈域久
韜隱如與心賞交合歡不容言摘芳弄寒條

遊嶺門山

西京誰修政龔汲稱良吏君子豈定所清塵慮不嗣早
蒞建德鄉民懷虞芮意海岸常寥寥空館盈清思協以
上冬月晨遊肆所喜千圻邈不同萬嶺狀皆異威摧三
山峭滌汨兩江駛漁舟一作商豈安流樵拾謝西芘人生

誰云樂貴不屈所志

入華子岡是麻源第三谷

南州實炎德桂樹凌寒山銅陵映碧澗石磴瀉紅泉既
枉隱淪客亦棲肥遁賢險徑無測度天路非術阡遂登
羣峯首邈若升一作騰雲煙羽人絕髣髴丹丘徒空筌圖
牒復磨滅碑版誰聞傳莫辨百代後安知千載前且申
獨徃意乘月弄潺湲恒克俄頃用豈為古今然

登江中孤嶼

江南倦歷覽江北曠周旋懷新道轉迴尋異景不延亂
流趨正絕一作孤嶼孤嶼媚中川雲日相輝映空水共澄鮮

表靈物莫賞蘊真誰為傳想像崑山姿緬邈區中緣始
信安期術得盡養生年

登海口盤嶼山一云行田作

羈苦孰云慰觀海藉朝風莫辨洪波極誰知大壑東依
稀採菱歌彷彿含嘔容遨遊碧沙渚遊衍丹山峯

夜宿石門一云石門巖山宿

朝牽苑中蘭畏彼霜下歇暝還雲際宿弄此石上月鳥
鳴識夜棲木落知風發異音同至聽殊響俱清越妙物
莫為賞芳醕誰與伐美人竟不來陽阿徒晞髮

登廬山絕頂望諸嶠

五言古詩 卷二十九 九
積峽忽復啓平塗俄已閉巒隴有合沓往來無蹤轍晝
夜蔽日月冬夏共霜雪

遊蒜山

被始興王命作

鮑照

暮冬霜朔嚴地閉泉不流玄武藏木陰丹鳥一作鳥還養

羞勞農澤既周役車時亦休高薄符一作浮好蒨一作清藻

駕及時遊鹿苑豈淹睎兔園不足留升嶠眺日軌臨迴

望滄洲雲生玉堂裏風靡銀臺瓠陂石類星懸嶼木似

煙浮形勝信天府珍寶麗皇州白日迴清景芳豔洽歡

柔參差出寒吹颺戾江上謳王德愛文雅飛瀚灑鳴球

美哉物會昌衣道服光猷

從登香爐峯

辭宗盛荆夢登歌美鳧繹徒收杞梓饒曾非羽人宅羅

景靄雲扃沾光扈龍策御風親列涂乘山窮禹跡含嘯

對霧岑延蘿倚峯壁青冥搖煙樹穹跨負天石霜崖滅

土膏金澗測泉脉旋淵抱星漢乳竇通海碧谷館駕鴻

人巖棲咀丹客殊物藏珍怪竒心隱仙籍高世伏音華

綿古遁精魄蕭瑟生哀聽參差遠驚覲慙無獻賦才洗

汗奉毫帛

登廬山

懸裝亂水區薄旅次山楹千巖盛阻積萬壑勢迴縈龍

窅高昔貌紛亂一作襲前名洞澗窺地脉聳一作樹隱
天經松磴上迷密雲竇下縱橫陰冰實夏結炎樹信冬
榮嘈噴晨鷗思叫嘯夜猿清深崖伏化迹穹岫闕長靈
乘此樂山性重以遠遊情方躋羽人途永與煙霧并

登廬山望石門

訪世失隱淪從山異靈士明發振雲冠升嶠遠棲趾高
岑隔半天長崖斷千里氛一作霧承星辰潭壑洞江汜
嶄絕類虎牙巒岼象熊耳埋冰或百年韜樹必千祀鷄
鳴清澗中猿嘯白雲裡瑤波逐穴開霞石觸峯起迴互
非一形參差悉相似傾聽鳳管賓緬望釣龍子松桂盈

膝前如何穢城市

從庾中郎遊園山石室

荒塗趣山楹雲崖隱靈一作室岡澗紛縈抱林障杳重
密昏昏磴路深活活梁水疾幽隅秉晝燭地牖窺朝日
怪石似龍章瑕璧麗錦質洞庭安可窮漏井終不溢沈
空絕景聲崩危坐驚慄神化豈有方妙象竟無述至哉
鍊玉人處此長自畢

於南山往北山經湖中瞻眺

謝靈運

朝旦發陽崖景落憇陰峯舍舟眺迴渚停策倚茂松側
逕既窈窕環洲亦玲瓏俛視喬木杪仰聆大壑淙石橫

水分流林密蹊絕蹤解作竟何感
升長皆丰容初篁苞
綠籜新蒲含紫茸
海鷗戲春岸天鷄弄
和風撫化心無
厭覽物眷彌重
不惜去人遠
但恨莫與同
孤遊非情歎
賞廢理誰通

從斤竹澗越嶺溪行

猿鳴誠知曙谷幽光未顯巖下雲
方合花上露猶泫透
迤傍隈隩迢遞陟陁峴過澗旣厲
急登棧亦陵緬川渚
屢徑復乘流翫迴轉蘋萍泛沈深
菰蒲冒清淺企石挹
飛泉攀林摘葉卷想見山阿人
薜蘿若在眼握蘭勤徒
結折麻心莫展情用賞爲美事
昧竟誰辨觀此遺物慮

一悟得所遣

遊赤石進帆海

首夏猶清和芳草亦未歇
水宿淹晨暮陰霞屢興沒
周覽倦瀛壖况乃凌窮髮
川后時安流天吳靜不發
揚帆採石華掛席拾海月
溟漲無端倪虛舟有超越
仲連輕齊組子牟眷魏闕
矜名道不足適已物可忽
請附任公言終然謝天伐

東山望溟海

開春獻初歲白日出悠悠
蕩志將愉樂瞰海庶忘憂
策馬步蘭皋縹控息椒丘
采蕙遵大薄蹇若履長洲
白花

皜陽林紫葦

一作翹

擘春流非徒不弭忘覽物情彌適萱

蘇姑無慰寂寞終可求

自礪山東望震澤

鮑照

瀾漫潭洞波合沓嶸嶂雲漲島遠不測岡澗近難分幽
篁愁暮見思鳥傷夕聞以此藉沈痾棲迹別人羣結言
非盡書有念豈敷文

望水

刷鬢垂秋日登高觀水長千澗無別源萬壑共一廣流
駛巨石轉湍迴急沫上茗茗嶺岸高照照寒洲爽東歸
難忖惻日逝誰與賞臨川憶古事日孱千載想河伯自

在大海若沈渺莽

汎南湖至石帆

謝惠連

軌息陸塗初柅鼓川路始漣漪繁波漾參差層峯峙蕭
疎野趣生逶迤白雲起登陟苦跋涉擘盼樂心耳即翫
翫有竭在興興無已

登巴陵城樓

一云始安郡還都與張湘州登巴陵城作

顏延之

江漢分楚望衡巫奠南服三湘淪洞庭七澤藹荆牧經
塗延舊軌登闈訪川陸水國周地險河山信重複却倚
雲夢林前瞻京一作荆臺囿清霧霽岳陽曾暉薄瀾澳悽
矣自遠風傷哉千古萬古陳往還百代勞起伏存沒

竟何人炯介在明淑請從上世人歸來藝桑竹

樂遊苑 應詔

范曄

崇盛歸朝闕虛寂在川岑山梁協孔性黃屋非堯心軒
駕時未肅文囿降照臨流雲起行蓋晨風引鑾音原薄
信平蔚臺澗備曾深蘭池清夏氣脩帳含秋陰遵渚攀
蒙密隨山上嶇欽睎自有極覽遊情無近尋聞道雖已
積年力互頽侵探已謝丹轂 一作轆 感事懷長林

烝齋 應詔

謝莊

霜露凝宸感肅僊動天引西郊滅湮揜 一作烟 東溟起昭
晉舞風泛龍常輪霞浮玉軻紫階協笙鏞金途展應棟

方見六詩和永聞九德潤觀生識幸渥聆服慙輶 一作斬

登池上樓

謝靈運

潛虬媚幽姿飛鴻響遠音薄霄愧雲浮棲川作淵沈進
德智所拙退耕力不任徇祿反窮海臥疴對空林衾枕
昧節候褰開暫窺臨傾耳聆波瀾舉目眺嶇嶽初景革
緒風新陽改故陰池塘生春草園柳變鳴禽祁祁傷爾
歌萋萋感楚吟索居易永久離羣難處心持操豈獨古
無悶徵在今

遊南亭



五言古詩 卷二十六 十四
時竟夕澄霽雲歸日西馳密林含餘清遠峯隱半規久
癯昏墊苦旅館眺郊岐澤蘭漸被徑芙蓉始發池未厭
青春好已觀朱明移戚戚感物歎星星白髮垂藥餌情
所止衰疾忽在斯逝將候秋水息景偃舊崖我志誰與
亮賞心惟良知

登白岸亭

拂衣遵沙垣緩步入蓬屋近澗涓密石遠山映踈木空
翠難強名漁釣易爲曲援蘿聆青崖春心自相屬交交
止栩黃啣啣食萍鹿傷彼人百哀嘉爾承筐樂榮悴迭
去來窮通成休憾未若長踈散萬事恒抱杆

遊後園

齊竟陵王子良

託性本禽魚棲情閒物外蘿徑轉連綿松軒方杳藹丘
壑每淹留風雲多賞會

侍遊方山

應詔

王融

巡躅望登年悵飲臨秋縣日羽鏡霜潯雲旗落風甸四
瀛良在目八寓婉如見小臣竊自嘉預奉柏梁讌

遊山

謝朓

託養因支離乘閒遂疲蹇語默良未尋得喪云誰辯幸
蒞山水都復值清冬緬凌厓必千仞尋谿將萬轉堅嶸
既峻嶒廻流復宛澶杳杳雲竇深淵淵石溜淺傍眺鬱

簌勞還望森栴榎荒隩被葳莎崩壁帶苔蘚飈伏叫層
嶼鷗鳧戲沙衍觸賞聊自觀卽趣咸已展經目惜所遇
前路欣方踐無言蕙草歇留垣芳可奉尚子時未歸那
生思自免永志昔所欽勝迹今能選寄言賞心客得性
良爲善 堅一作豎

遊敬亭山

茲山旦百里合沓與雲齊隱淪旣已託靈異居然棲上
干蔽白日下屬帶迴谿交藤荒且蔓樛枝聳復低獨鶴
方朝唳饑颺此夜啼滌雲已漫漫夕雨亦淒淒我行雖
紆組兼得尋幽蹊緣源殊未極歸徑窅如迷要欲追竒

趣卽此凌丹梯皇恩竟已矣茲理庶無朕

遊太平山

孔稚圭

石險天貌分林交日容缺陰澗落春榮寒巖留夏雪

登羣峯標望海

一作和劉西曹或作謝朓

鍾憲

蒼波不可望望極與天平往往孤山暎處處春雲生差
池遠鴈沒颺沓羣鳧驚囂塵及簿領棄捨出重城臨川
徒可羨結網庶時營

琵琶峽望積布磯

呈謝玄暉

劉繪

江山信多美此地最爲神以茲峯石麗重在芳樹春照
爛虹蜺雜交錯錦繡陳差池若燕羽崩岸似龍鱗却瞻

了非向前觀已復新翠微上虧景青莎下拂津巉巖如
刻削可望不可親昔途首遐路未獲究清塵誓將返初
服歲暮請爲隣

和劉中書繪

謝朓

昔余侍君子歷此遊荆漢山川隔舊賞朋僚多雨散圖
南矯風翮曾非息短翰移疾覲新篇披衣起淵翫惆悵
懷昔踐彷彿得殊觀頽紫共彬駁雲錦相凌亂奔星上
未窮驚雷下將半迴潮漬崩樹輪困軋傾岸巖篠或傍
翻石菌蕪修幹澄澄明浦媚衍衍清風爛江潭良在目
懷賢興累歎歲暮不我期淹留絕巖畔

望三湖

積水照頽霞高臺望歸翼平原周遠近連汀見紆直歲
蕤向春秀芸黃共秋色薄暮傷哉人嬋媛復何極

首夏泛天池

梁武帝

薄遊朱明節泛漾天淵池舟楫互容與藻蘋相推移碧
沚紅茵茜白沙青漣漪新波拂舊石殘花落故枝葉軟
風易出草密路一作露難披

登北顧樓

大同十年三月幸京口城登北固樓更
名北顧

歇駕止行警迴輿暫遊識清道巡丘壑緩步肆登陟鴈
行上差池羊腸轉相逼歷覽窮天步矚矚盡地域南城

連地險北顧臨水側深潭下無底高岸長不測舊嶼石
若構新洲花如織

奉和

簡文帝

春陵佳麗地濟水鳳凰宮况此徐方域川岳邁厨豐皇
情愛歷覽遊涉擬崆峒聊驅式道候無勞襄野童霧崖
開早日晴天歇晚虹去帆入雲裏遙星出海中

玩漢水

雜色崑崙水泓澄龍首渠豈若茲川麗清流疾且徐離
離細磧淨藹藹樹陰踈石衣隨溜卷水芝扶浪舒連翩
瀉去檝鏡澈倒遙墟聊持點纓上於是察川魚

山池

日暮芙蓉水聊登鳴鶴舟飛艦飾羽葆長幔覆緹油停
輿依柳息住葢影空留古樹橫臨沼新藤上挂樓魚遊
向闔集戲鳥逗楂流

奉和

庾肩吾

閨苑秋光暮金塘牧疑作收潦清荷低芝蓋出浪涌燕舟
輕逆湍流棹唱帶谷聚笳聲野竹交臨浦山柯迥出城
水逐雲峯闔寒隨殿影生

奉和

王臺卿

歷覽周仁智登臨歡豫多穿渠引金谷闢道出銅駝長

五言古詩 卷二十六 十一
橋時跨水曲閣乍臨波巖風生竹樹池香出芰荷石幽
銜細草林末度橫柯

奉和

鮑至

望園光景暮林觀歇零埃荷踈不礙檝石淺好縈苔風
花逐榜轉山望向橋開樹交樓影沒岸暗水光來

奉和 二首

陳徐陵

羅浮無定所鬱島屢遷移不覺因風雨何時入後池樓
臺非一勢臨翫自多竒雲生對戶石猿挂入欄枝
畫舸圖仙獸飛艫挂采旂榜人事金漿釣女飾銀鈎細
萍時帶檝低荷乍入舟猿啼知谷晚蟬咽覺山秋

奉和

周庾信

梁宮多暇豫望苑暫迴輿鳴笳陵絕限一作飛蓋歷通
渠桂亭花未落桐門葉半踈荷風驚浴鳥橋影聚行魚
日落含山氣雲歸帶雨餘

登城

簡文帝

日影半東簷靖念空杼柚小堂倦縹書華池厭脩竹寂
寔既寡悰登城望原陸遙山半吐雲嚴飈時響谷靡靡
見虛煙森森視寒木落霞乍續斷晚浪時迴復遠矚既
濡翱徒自勞心目短歌雖可裁緣情非霧縠

登烽火樓

五言古詩 卷二十六
聳樓排樹出却堞帶江清陟峯試遠望鬱鬱盡郊京萬
邑王畿曠三條綺陌平巨原橫地險孤嶼派流生悠悠
歸棹入渺渺去帆驚水煙浮岸起遙禽逐霧征

侍遊新亭

應令

神襟愍行邁岐路愴徘徊遙瞻十里陌俯望九城臺鳳
管流虛谷龍騎藉春荑曉光浮野暎朝煙承日迴沙文
浪中積春陰江上來柳葉帶風轉桃花含雨開聖情蘊
珠綺札命表英才顧憐砥硠質何以儷瓊瓌

奉和

劉孝綽

旭日輿輪動言追河曲遊紆餘出紫陌迤邐度青樓前

驅掩蘭徑後乘歷芳洲春色江中滿日華巖上留江風
傳葆吹巖華映采旂臨渦起睿作駟馬暫停輶侍從榮
前阮雍容慙昔劉空然等彈翰非徒嗟未道

遊後園

簡文帝

隱淪遊少海神仙入太華我有逍遙趣中園復可嘉千
株同落葉百丈共尋霞

奉和

元帝

暮春多淑氣斜景落高春日照池光淺雲歸山望濃入
林迷曲逕度渚隔危峰

夜遊北園

簡文帝

星芒侵嶺樹月暈隱城樓暗花舒不覺明波動見流

遊韋黃門園

息車冠蓋里停轡仲長園簷踈遠興積賓至羽觴繁

晚日後堂

幔陰通碧砌日影度城隅岸柳垂長葉牕桃落細跗花
留蛺蝶粉竹翳蜻蜓珠賞心無與共染翰獨踟躕

登錦堂

一作鮑照

孫生酸棗寺王子枝江樓何如登石鏡因閒猶豫遊

山齋

玲瓏繞竹澗間關通槿藩缺岸新成浦危石久爲門北

月下飛桂南柯吟夜猿暮流澄錦磧晨冰照彩

奉和

陳徐陵

架嶺承金闕飛橋對石梁竹密山齋冷荷開水殿香山
花臨舞席水影照歌牀

泛蕪湖

元帝

桂潭連菊岸桃李映成蹊石文如濯錦雲飛似散珪橈
度菱根反船去荇枝低颿隨迎雨燕鼓逐伺潮鷄

登江州百花亭

一云懷荆楚

極目纔千里何由望楚津落花灑行路垂楊拂砌塵柳
絮飄晴雪荷珠漾水銀試酌新春酒遙勸陽臺人

奉和

朱超道

亭高登望極春心遠近同莫恨荆臺隱雲行不礙空柳
色浮新翠蘭心帶淺紅若因鵬舉便重上龍門中

奉和

陳陰鏗

江陵一柱觀潯陽千里潮風煙望似接川路恨威遙落
花輕未下飛絲斷易飄藤長還依格荷生不避橋陽臺
可憶處唯有暮將朝

晚景遊後園

元帝

高軒聊騁望煥景入川梁波橫一作山渡影雨罷葉生
光日移花色異風散水紋長

遊茅山尋桓清遠題壁

邵陵王綸

荆門丘壑多甕牖風雲入自非栖遁情誰堪霜露濕

遊金華山

沈約

遠策追夙心靈山協久要天倪臨紫闕地道通丹竅未
乘琴高鯉且縱嚴陵釣若蒙羽駕迎得奉金書召高馳
入閭闔方覩靈妃笑

侍遊方山

應詔

清漢夜昭晷扶桑曉陸離發歌撻陽一作吹下建羽朝
夕池撻金浮水若聳蹕詔山祗一霑九霄露藜藿終自
知

遊鍾山

五章應西陽王教

靈山紀地德地險資嶽靈終南表秦觀少室邇王城翠
 鳳翔淮海衿帶遶神垌北阜何其峻林薄杳葱青紀一作標
 發地多奇嶺干雲非一狀合杳共隱天參差互相望鬱
 律構丹巘峻嶒起青嶂勢隨九疑高氣與三山壯
 卽事旣多美臨眺殊復奇南瞻儲胥觀西望昆明池山
 中咸可悅賞逐四時移春光發隴首秋風生桂枝
 多值息心侶結架山之足八解鳴澗流四禪隱巖曲窈
 冥終不見蕭條無可欲所願從之遊寸心於此足
 君王挺逸趣羽旆臨崇基白雲隨玉趾青霞襍桂旗淹

留訪五藥顧步佇三芝於焉仰鑣駕歲暮以爲期

從冠軍行建平王登廬山香爐峯

江淹

廣成愛神鼎淮南好丹經此山具鸞鶴往來盡仙靈瑤
 草正翕艷玉樹信蔥青絳氣下縈薄白雲上杳冥中坐
 瞰蜿蜒俛伏視流星不尋遐恠極則知耳目驚日落長
 沙渚曾陰萬里生籍蘭素多意臨風默含情方學松栢
 隱羞逐市井名幸承光誦末伏思託後旂一作旌

遊黃蘗山

長望竟何極聞雲通一作邊南州饒奇怪赤縣多靈仙金
 峯各虧日銅石共臨天陽岫照鸞采陰谿噴龍泉殘机

千代木厝峯萬古煙禽鳴丹壁上猿嘯青崖間秦皇慕
隱淪漢武願長年皆負雄豪威棄劍爲名山况我葵藿
志松木橫眼前所若同遠好臨風載悠然

登三山

范雲

仄逕崩且危叢巖聳復垂石藤多卷節水樹繞蟠枝海
中昔自重江上今如斯

奉和登景陽山

任昉

物色感神遊升高悵有闕南望銅駝街北走長楸埒別
澗宛滄溟躡山駕瀛碣奔鯨吐華浪司南動輕樞日下
重門照雲開九華激觀閣隆舊恩奉圖愧前哲

遊甌山

一作沈約

庾肩吾

平子去已久餘風今復追未必遊春草王孫自不歸路
高村反出林長鳥更稀寒雲間石起秋葉下山飛西河
方閱訓詁得解朝衣

登壽陽八公山

吳均

遠澗自傾曲石漱復萋萋含珠岸恒翠懷玉浪多圓踈
峯時吐月密樹不開天瑤繩盡玄祕金檢上竒篇是有
琴高者陵波去水仙

登鍾山下峯望

虞騫

冠者五六人携手巖之際散意百仞端極目千里睇疊

岫乍昏明浮雲時卷閉遙看野樹短遠望樵人細

登覆舟山望湖北

劉孝威

紫川通太液丹岑連少華堂皇更隱映松灌雜交加荇
蒲浮新葉漁舟繞落花浴童爭淺岸漂女擇平沙極望
傷春日迴車歸狹斜

登郁洲山望海

劉峻

滄溟聯霄岫層嶺鬱嶺下盤鹽海底上轉靈鳥翼滇
澗非可辨鴻溶信難測輕塵久弭飛驚浪終不息雲錦
曜石嶼羅綾文水色

奉和泛舟漢水往萬山

應教

庾肩吾

棠船飄揚橫大川映巖沈水底激浪起雲邊迤
岸高花發春塘細柳懸陪歌承睿賞接醴侍恩筵誰云
李與郭獨得似神仙

落日泛東溪

任昉

黝黝桑柘繁芄芄麻麥盛交柯溪易陰仄景澄餘映吾
生雖有待樂天庶知命不學梁甫吟唯識滄浪詠田荒
我有役秩滿余謝病

嚴陵瀨

羣峯此峻極參差百重嶂清淺既漣漪激石復奔壯神
物徒有造終然莫能狀

泛若邪溪

王籍

舳舻何汎汎空水共悠悠陰霞生遠岫陽景逐迴流
蟬噪林逾靜鳥鳴山更幽此地動歸念長年悲倦遊

觀濤

徐防

雲容雜浪起楚水漫吳流漸看遙樹沒稍見遠天浮
漁人迷舊浦海鳥失前洲不測滄溟曠輕鱗幸自游

臨滄波

王臺卿

高軒臨不測清江窮廣深天邊生岸影水上結雲陰
風來白華起潮滿黃沙沈

臨水

沈君攸

開筵臨桂水攜手望桃源花落圓文出風急細流翻
光浮動岸影浪息累沙痕滄波自可悅濯纓何用論

暮遊山水賦得磧字

應令

庾肩吾

餘春屬清夜西園恣遊歷入逕轉金輿開橋通畫鷁
細藤初上棧新流漸涵磧雲峯沒城柳電影開巖壁

遊望

王筠

晨登黃馬坡遙望白龍堆風威盡撩折路險車輪摧

山池

應令 一云奉和六月壬午

劉孝威

玄圃棲金碧靈澗挹琨瑤築山圖碣岫穿池控海潮
雷奔石鯨動水澗牽牛遙乘鼃猶怯渡鞭石詎成橋
岸崩

下生窟壁峭上干霄噪蛙常獨沸游魚或自跳荒徑橫
 臨浦空舟斜插橈愁鴟集古樹白鷺隱青苗神心重丘
 壑散步懷漁樵石累元卿徑枝挂許由瓢伊臣本寂寞
 由來畏市朝為貪止山水所競惟逍遙寄言周伯况勞
 君擅縠綃

登石頭城

何遜

關城乃形勢地險差非一馬嶺逐紆回犬牙傍隆宰百
 雉極襟帶億度兼量出至理歸無為善守竟何恤眺聽
 窮耳目遠近備幽悉擾擾見行人暉暉視落日連檣入
 迴浦飛蓋交長術天暮遠山青潮去遶沙出薄宦慙師

表屬辭慙愈疾願乘轂棘牛還隱蒙籠室

東亭極望

蕭子範

晚流稍東急暝景促西暉水鳥銜魚上蓮舟拂芰歸郊
 原共超遠林野雜依菲從君採蘿葛寧復想輕肥

從皇太子出玄圃

應令

庾肩吾

春光起麗譙疑步陟山椒閣影臨飛蓋鸞鳴入洞簫水
 還登故渚樹長蔭前橋綠荷生綺葉丹藤上細苗顧循
 慙振藻何用擬瓊瑤

從武帝登景陽樓

柳惲

太液滄波起長楊高樹秋翠華承漢遠雕輦逐風游

登陽雲樓

劉孝綽

吾登陽臺上非夢高唐客回首望長安千里懷三益顧
帷慙入楚降一作私等申白西沮水潦收昭丘霜
露積龍門不可見空慕凌寒柏

和晚日登樓一作劉綽

劉綽

所以登臺榭正重接烟霞長絲一作虹觸欄斷歸鳥避窓
斜俯巢窺暝宿臨樹摘高花百雉時方晚九層光尚賒

奉和竹齋

庾肩吾

百拱橫筇節千櫨跨篋竿廻龍仍作柱置笛且成樂向
嶺分花徑隨階轉藥欄蜂歸憐蜜熟燕入重巢乾欲仰

天庭揆終知學步艱

從永陽王遊虎丘山

陳張正見

滄波壯鬱島洛邑鎮崇芒未若茲山麗岩堯擅水鄉地
靈侔少室塗艱像太行重巖標虎據九曲峻羊腸溜深
澗無底風幽谷自涼寶沈餘玉氣劒隱絕星光白雲多
異影丹桂有藜香遠看銀臺竦洞塔耀山莊瑞草生金
地天花照石梁

泛青草湖

陰鏗

洞庭春溜滿平湖錦帆張沅水桃花色湘流杜若香穴
去茅山近江連巫峽長帶天澄迥碧映日動浮光行舟

迥遠樹度鳥息危檣滔滔不可測一葦詎能航

泛宮亭湖

劉刪

過壚乘派水舉帆逐分風滉瀆疑無際飄颺似度空檣
鳥排鳥路船影沒河宮孤石滄波裏匡山苦霧中寄謝
千金子安知萬里蓬

後湖泛舟

張正見

上苑奢行樂滄池聊薄遊汎荷分蘭櫂沈槎觸桂舟殘
虹妝度雨缺岸上新流欲知有高趣長楊送麥秋

秋日遊昆明池

江總

靈一作玄蕭條望遊人意緒多終南雲影落渭北雨聲

道暉噪金隄柳鷺飲石鯨波珠來照似月織處寫成河

此時一作詎知臨水歎非復採蓮歌

前題

二首一云和吳法師

周庾信

遊客重相懽連鑣出上蘭值泉傾蓋飲逢花駐馬看平
湖泛玉舳高堰歇金鞍半道聞荷氣中流覺水寒
秋光麗晚天鷓舸泛中川密菱障浴鳥高荷沒釣船碎
珠縈斷菊殘絲繞折蓮落花催斗一作十酒栖鳥送一絃

前題

隋薛道衡

灞陵因靜退靈沼暫徘徊新船木蘭檝舊宇豫章材荷
心宜露泫竹徑重風來魚潛疑刻石沙暗似沈灰琴逢

五言古詩 卷二十六
鶴欲舞酒遇菊花開
羈心與秋興陶然寄一杯

前題

元行恭

旅客傷羈遠樽酒慰登臨
池鯨隱舊石岸菊聚新金陣
低雲色近行高鴈影深
欹荷瀉圓露臥柳橫清陰
衣共秋風冷心學古灰沈
還似無人處幽蘭入雅琴

與錢玄智汎舟

張正見

高門事休沐朝野恣逢迎
還乘一作尋金谷水俱望洛陽
城舟移津女渡楫動渭橋橫
風高鴈已落雨霽水還清
葉盡桐門淨花秋菊岸明
欲奏江南曲聊習棹歌行

遊龍首城

關外山川闊城隅塵霧浮
白雲凝絕嶺滄波間斷洲
四面觀長薄千里眺平丘
河津無桂樹樽酒自淹留

重陽殿成金石會竟上詩

周王興路寢漢后成甘泉
共知崇壯麗迢遞與雲連
抗殿䟽龍首峻陛激天泉
東西跨函谷左右矚伊瀍
百常飛觀竦三休複道懸
拱烏遙造日擗虬遠架煙
雲棟疑飛雨風牕似望僊
玉女臨芳鏡金璫映彩椽
梅梁橫發藥藻井倒披蓮
雲一作榮光開御宿佳氣屬
祈年霜鴈排空斷寒花映
日鮮負辰憑霄極台司列
象躔登臺誼大厦御氣響
鈞天北斗承三獻南風入
五弦鸞歌鳩鵲右

獸舞射熊前翔鷄仰不逮燕雀徒聯翩

春日臨池

北魏温子昇

光風動春樹丹霞起暮陰
差峩映連壁飄颻下散金
徒自臨濠渚空復撫鳴琴
莫知流水曲誰辯遊魚心

從駕遊山

北齊袁爽

天遊響仙蹕春望動神衷
澗水含初溜山花發早叢
玉輿明淑景珠旗轉瑞風
平原與上路一作洛佳氣遠恣恣

奉和望山

應教

蕭愨

仙遊本多趣復此上秋初
巖低石倒檢嶺高松更踈
峯形疑鳥翅塞路似狼居
矚望情無已詞殫意有餘

望海

祖珽

登高臨巨壑不知千萬里
雲島相接連風潮無極已
時看遠鴻度乍見鷺鷗起
無待一作不假送將歸自然傷客子

秋朝野望

劉逖

駐車憑險岸飛蓋歷平湖
菊寒花稍發蓮秋葉漸枯
向浦低行鴈排空轉噪鳥
若將君共賞何處減城隅

浴温湯泉

一作劉邈

驪岫猶懷土新豐尚有家
神井堪消疹温泉足蕩邪
紫苔生石岸黃沫擁金沙
振衣殊未已翻然停使車

上蓮山

周蕭撫

五言古詩 卷二十六 三十一
獨邁青蓮嶺超奇紫蓋峯挂流遙似鶴插石近如龍沙
崩聞韻鼓霜落候鳴鐘飛花滿叢桂輕吹起脩筇石蒲
今尚有採摘更相逢

陪駕終南山

宇文昶

堯蓋臨河頴漢蹕踐華嵩日旂一作旌迴北鳳星旆轉南
鴻青雲過宣曲先驅背射熊金桴拂泉底玉琯吹雲中
古轍稱難極新途或易窮煙生山欲盡潭淨水恒空交
松上連霧脩竹下來風仙才道無別靈氣法能同東棗
羞朝座西桃獻夜宮詔令王子晉出對浮丘公

前題

一云和宇文內史

庾信

玉山乘四載瑤池宴八龍霓橋浮少海鵠蓋上中峰飛
狐橫塞路白馬當河衝水奠三川石山封五樹松長虹
雙瀑布圓闕兩芙蓉戍樓鳴夕鼓山寺響晨鍾新蒲節
轉促短筇籜猶重樹宿舍櫻烏花留釀蜜蜂迎風下列
缺灑酒召昌容且欣陪北上方欲待東封

和宇文內史春日遊山

遊客值春輝金鞍上翠微風逆花迎面山深雲濕衣鴈
持一足倚猿將兩臂飛戍樓侵嶺路山村落獵圍道士
封君達仙人丁令威煇丹於此地居然未肯歸

遊山

五言古詩 卷二十六 三十一
聊登玄圃殿更上增城山不知高幾里低頭看世間唱
歌雲欲聚彈琴鶴欲舞澗底百重花山根一片雨婉婉
藤倒垂亭亭松直豎

奉和泛江

一作王臺卿

春江下白帝盡舸向黃牛錦纜回沙磧蘭橈避荻洲濕
花隨水泛空巢逐樹流建平船梯下荆門戰艦浮岸社
多喬木山城足迴樓日落江風靜龍吟迴上游

玄圃濬池臨泛奉和

王褒

長洲春水滿臨汎廣川中石壁如明鏡飛橋類飲虹垂
楊夾浦綠新桃綠徑紅對樓還泊岸迎波暨守風漁舟

釣欲滿蓮房採半空於茲臨北闕非復坐墻東

前題

庾信

千金高堰合百頃浚源開翻逢積翠

一作草

浪更識昆明

灰猿嘯風還急鷄鳴潮卽來時看青雀舫遙逐桂舟

一作

洲迴

同會河陽公新造山池聊得寓目

橫階仍鑿澗對戶卽連峰暗石疑藏虎盤根似臥龍沙
洲聚亂荻洞口礙橫松引泉恒數派開巖卽十重北閣
聞吹管南鄰聽擊鍾菊寒花正合杯香酒絕濃由來魏
公子今日始相逢

五言古詩

卷二十六

三十三

望野

試策千金馬來登五丈原有城仍舊縣無樹即新村水
向蘭池泊日斜細柳園涸渚通沙路寒渠塞水門但得
風雲賞何須人事論

野步

值泉仍飲馬逢花即舉杯稍看城闕遠轉見風雲來

奉和趙王遊園

花逕日相携花林鳥未棲比看中郎醉堪聞烏夜啼

登州中新閣

跨虛凌倒景連雲距少陽璇極龍鱗上雕甍鵬翅張千

翠又杏照十里木蘭香開窓對高掌平坐望河梁歌響
聞長樂鍾聲徹建章賦用王延壽書須韋仲將龍來隨
畫壁鳳起逐吹簧石作芙蓉影池如明鏡光花梁反披
葉蓮并倒垂房徒然思鸞賀無以預鸞翔

北園射堂新成

軒臺聊可習仙的不難登轉箭初調箬橫弓先望朔驚
心一鴈落連臂兩猿騰直知王濟巧誰覺魏舒能空心
不死樹無葉未枯藤擇賢方至此傳卮欣得朋

北園新齋成

應趙王教

虹粉跂鳥翼山節拱蘭枝畫梁雲氣繞彫窓玉女窺月

懸唯返照蓮開長倒垂盤根紐壞石行雨暴澆池長藤
連格徙高樹帶巢移鳥聲唯雜曲花風直亂吹白虎題
書觀玄熊帖射皮文弦入舞曲月扇掩歌兒玉節調笙
管金船代酒卮若論曹子建天人本共知

望海

隋煬帝

碧海雖欣矚金臺空有聞遠水翻如岸遙山倒似雲斷
濤還共合連浪或時分馴鷗舊可狎卉木足爲羣方知
小姑射誰復語臨汾

奉和

虞茂

清蹕臨溟漲巨海望滔滔十洲雲霧遠三山波浪高長

瀾疑浴日連島類奔濤神遊藐姑射睿藻冠風飄
雖觀海何以効涓毫

季秋觀海

煬帝

孟軻敘遊聖枚乘說瘡疾逃聽乃前聞臨深驗茲日浮
天迥無岸含靈固非一委輸百谷歸朝宗萬川溢分城
一作空碧霧晴連洲彩雲密欣同夫子觀深愧玄虛筆

入山

李德林

登嶺望重關腰珮且鳴環天河臨易飲月桂近將攀王
母西山至夫人南嶽還何必陽臺下要待夢容顏

南隱遊泉山

孔德紹

名山狎招隱俗外遠相求還如倒景望忽似閬風遊臨
崖俯大壑披霧仰飛流歲積松方偃年深椿欲秋野花
開石鏡雲葉掩山樓何須問方士此處卽瀛洲

登終南山

一云擬古或作李德林

胡師耽

結廬終南山西北望帝京煙霞亂鳥道劣見長安城宮
雉互相映雙闕雲間生鍾鼓沸閭闔笳管咽承明朱閣
臨槐路紫蓋飛縱橫望望未極已甕牖秋風驚崑岫草
木黃飛鴈遺寒聲墜葉積幽徑繁露垂荒庭甕中酒新
熟澗谷寒蟲鳴且對一壺酒安知世間名寄言市朝客
同君樂太平

遊三學山

釋智炫

秀嶺接重煙嶽岑上半天絕巖低更舉危峰斷復連側
石傾斜澗回流瀉曲泉野紅知草凍春來鳥自傳樹錦
無機織猿鳴詎假弦葉密風難度枝踈影易穿抱袞依
閒沼策杖戲荒田遊心清漢表置想白雲邊榮名非我
願息意且蕭然

題東海懸崖

王謨

因巡來到此矚海看波流自茲一度往何日更回眸

從駕天池

應詔

薛道衡

上聖家寰宇威略振邊陲八維窮眺覽千里曳

一作旌

旗駕龍臨碧海控驥踐瑤池曲浦騰煙霧深浪駭鯨鱗

因

學問師

王葛耽

張東海

王葛耽

飄息意且蕭然北望帝京烟霞亂鳥道劣見長安城宮
闈翠策林樹荒田蕪以散藪素置賤白雲影榮各非在
無巖巖對點晴野茂葉密風飄爽對輒濕長空外表亦
不酌採聞回流點曲泉裡珠映草東春來鳥自轉樹陰
衣嶺對重壘殘岑土半天絲蟻劫更舉京華瀾對對

同君哉三學山

王葛耽

